

24 IULIE

RUGĂCIUNEA SF. CNEJI-MUCENICI BORIS-ROMAN  
ȘI GLEB-DAVID DE LA ROSTOV-MUROM

Молитва святым благоверным  
страстотерпцем князем Борису и Глебу

О, святїи страсотерпцы, боголюбивая двоїце, благовернии князие Борисе и Глебе, измлада всею душею Христа возлюбившии, целомудрие, кротость, смирение и прочия добродетели стяжавшии и, яко агнцы незлобивии, от брата своего неправедное убиение претерпевшии, чистыя своя души в благоприятную жертву Богу принесяши и от Него венцы нетленные приемшии! Припадающе к честному образу вашему, молим вас в душе сокрушенне и смиренне: вознесите своя усердные молитвы ко Всемилостивому Спасу, да подаст нам, чтущим святую память вашу, великия Своя и богатыя милости. Церковь Свою Святую да соблюдет от ересей и расколов, в чадах ея да оживит дух правыя веры и любви, дух ведения и благочестия, да дарует всем нам вся к жизни временней и вечней потребная. Ей, святїи страсотерпцы, ускорите на помощь нам, якоже сроднику вашему благоверному князю Александру Невскому, и избавите страну нашу от враг видимых и невидимых, от глада, огня, смертоносныя язвы, от всяких бед и напастей; разжените облегающий ны мрак неверия и развращения, да мирно и благочестно проживем в веке сем, и сподобимся христианския кончины и добраго ответа на страшнем Суде Христа Бога нашего, Ему же

подобает честь и поклонение со Безначальным Его Отцем и Пресвятым и Благим и Животворящим Его Духом, ныне и присно и во веки веков. **Аминь.**

[Текст службы утвержден на заседании Священного Синода 8 декабря 2020 года (журнал № 99)]

